

四庫全書

史部

欽定四庫全書

史部

皇朝文獻通考卷一百

七十一

府丞臣龔文覆勘

總校官檢討臣何思鈞

欽定四庫全書

皇朝文獻通考卷一百七十

樂考

十六

樂歌二

皇帝三大節慶賀樂章

康熙二十二年定

元旦

皇帝陞座中和樂奏元平之章

於穆

元后敬授人時四始和令三陽肇基鸞路蒼龍載青其  
旗迎氣布德百工允釐行慶施惠及我烝黎  
皇帝還宮中和樂奏和平之章

有奕元會

天子穆穆跼跼羣公至自九服正朔所加海外臣僕率  
土懷惠萬民子育千齡億祀永綏第祿

諸王百官行禮丹陛樂奏慶平之章

三大節常  
朝並同

皇覆萬寓品物咸亨九賓在列百譯輸誠濟濟御士式  
造在廷

帝仁如天

帝明如日親賢任能愛民育物禮備樂成聲教四訖

外藩行禮丹陛樂奏治平之章

三大節常  
朝並同

天畫所覆以畀我清我德配命涵濡羣生萬國蹈  
舞來享來庭俟俟蹲蹲視彼干戚

天威式臨其儀不忒

冬至

皇帝陞座中和樂奏遂平之章

乾符在握道轉鴻鈞天心見復物始資元景長舜  
日紀協堯春玉琯應瑞寶厯肇新衆正在位輔翼  
一人

皇帝還宮中和樂奏允平之章

萬國在宥一陽斯溥淵默臨朝天職修舉君子道  
長駢珪聯組占日書雲產祥降嘏宜暘而暘宜雨

而雨

萬壽聖節

皇帝陞座中和樂奏乾平之章

二儀清寧三辰順則維

帝凝命函冒區域仁恩廣覃至於動植久道化成隆功  
駿德

聖人多壽年世萬億

皇帝還宮中和樂奏太平之章

鑒觀惟德丕命惟

皇肇茲壽域薄海要荒物性茂育民俗樂康冠帶之國  
望斗辨方曰惟萬年同於昊蒼

乾隆七年重定

元旦

皇帝陞座中和樂奏元平之章

維天眷我

皇四海昇平泰運昌歲首肇三陽萬國朝正拜

帝閭雲物奏嘉祥  
乘鑾路建太常時  
和化日長重九譯

盡梯航

皇帝還宮中和樂奏和平之章

聖人延俊英  
鈞天樂奏繞彤庭  
華夷一統寧  
士庶歡忻  
樂太平  
寶鼎御香盈  
祥烟裊瑞靄  
生簫韶喜九成  
齊慶祝萬千齡

諸王百官行禮丹陛樂奏慶平之章

三大節常朝並同

鳳凰在數麒麟在郊垌  
不如國士充陛庭  
野無遺

賢宗有英夙夜在公在公明明

外藩行禮丹陛樂奏治平之章

三大節常朝並同

我清世德作求若天行天盡所覆畀我清萬方悅  
喜來享庭曰予一人業業兢兢

內廷行禮丹陛樂奏雖平之章

三大節並同

闕睢四教邦家作孚先黃裳元吉地承天六宮仁  
順化穆宣麟之趾兮萬福之原

皇帝前元旦進表導迎樂章

元旦朝享臨御萬方閭闔通啟太平呈象旅貢陳  
軒樂張徧海隅瞻

帝光

冬至

皇帝陞座中和樂奏遂平之章

陽回黍谷春萬國衣冠拜紫宸旭日耀龍鱗雲物  
呈祥福祿臻堯階蓂莢新熙庶績撫五辰九服共  
來賓調元化轉鴻鈞

皇帝還宮中和樂奏允平之章

皇心克配天玉琯葭灰得氣先彤庭臚唱宣四海共球  
奏御筵珠斗應璣璿金鏡朗麟鳳騫人間景福全  
咨屢省懋乾乾

皇帝前冬至進表導迎樂章

黃鍾應律玉琯迴陽書雲薦瑞迎日履長共球集  
韶護張奉金函來萬方

萬壽聖節

皇帝陞座中和樂奏乾平之章

祥雲扈紫冥四海臣民祝

聖齡淑氣轉階蓂堯籙義圖燦御屏  
嵩呼徧在庭天呈瑞地効靈南極拱台星億萬載頌康寧

皇帝還宮中和樂奏太平之章

皇躬福祿宜永紹鴻圖丕丕基彤陛長仙芝樂奏簡韶  
丹鳳儀南山獻壽卮人心悅天意隨為德徧羣黎  
歌樂愷萬年斯

皇帝萬壽進表導迎樂章

神聖文武提挈六符綏以眉壽罄宜多祜邁斗維  
呈瑞圖萬歲聲山應呼

臣等謹按朝會宴饗樂歌俱重定於乾隆七年其  
奏樂章名則乾隆十年奉

御筆更定也

平定回部冬至慶賀

頒詔增撰武成慶語中和樂章

二十四年十一月定

皇帝陞座中和樂奏遂平之章

陽迴玉琯春華闕晴暉映紫宸  
聲教訖無垠烽燧長清玉塞塵  
絕域盡王臣安作息荷陶甄奉贄獻  
靈珍超三古懋經綸

皇帝還宮中和樂奏允平之章

淑氣轉瑤閭綬幕葭飛啟百昌

恩威亘八荒雪嶺天山道里長  
納款向明堂三足鳥暨

鳳凰乾珍普降祥彌顧諟勅幾康

常朝樂章

順治九年定

皇帝陞座中和樂奏隆平之章

赫矣

天鑒眷求惟

聖保佑我清既集有命假樂

大君天位以正涖下有容鑒於萬方念茲崇功駿命孔

常

皇帝還宮中和樂奏顯平之章

於昭

四后誕降世德亶亶我

皇克艱袞職治定功成中和建極龍飛在天鳳儀於庭  
式奏王夏垂億萬齡

乾隆七年重定

正月

皇帝陞座中和樂奏隆平之章

敷天協氣鮮新又蒼龍正晨萬國歡心仰紫宸

皇天錫嘏懿純陳充庭華瑤金根扇春風風兆人澤如春

睿周萬品化洽無垠

皇帝還宮中和樂奏顯平之章

淵然至道遊神協天行地文照寓騰華若早輪清  
明廣大和闡恩滂洋葭葦霑仁念民生生此辰酌  
于民瑞惟大有寶則賢臣

二月

皇帝陞座中和樂奏隆平之章

所無逸恭己巖廊萬寓協嘉祥  
吹律圜鐘諧舜宮  
負宸當陽柳風初轉芽黃翠甸輕雷蘇百昌發生  
心

皇奉若寬大詔播天常

皇帝還宮中和樂奏顯平之章

肅羣后鳴佩鏘鏘拜手仰顙仰初日曛曛奎字麗

明庶風翔普天和氣休穰浹化鷹成鳩眼良躬清  
明基宥密恩溥洽達要荒

三月

皇帝陞座中和樂奏隆平之章

日麗風和徧寰區新榆改火龍旂莅苒晃鸞坡赫  
如曦

皇陞座羣辟集瑤珂拂花茵垂佩多天門蕩蕩無偏頗  
純嘏詠卷阿

皇帝還宮中和樂奏顯平之章

瑞靄祥飈映彤墀紅雲繚繞

一人淵默德光昭百花中千門曉銅鶴篆烟飄奏仙音  
駕退朝促耕布穀飛靈沼盈目說農勞

四月

皇帝陞座中和樂奏隆平之章

玉宸旦婺中

天王御法宮乘朱路曳長虹六六冷簫諧女鳳萬物被

薰風阜財解愠福祿來同

皇帝還宮中和樂奏顯平之章

麥秋滿野登桑農繭已成玉衡正泰階平上下交  
孚寰海靜婦子樂盈寧罄天亘地茂豫桐生

五月

皇帝陞座中和樂奏隆平之章

禁林清反舌無聲登進忠良佞不行南風假大而  
宣平坐明堂賞五德法乘離以持衡

皇帝還宮中和樂奏顯平之章

槿初榮  
嘉生念農  
嘉生念農  
芒夏暑雨  
穆

皇心以靡寧

六月

皇帝陞座中和樂奏隆之章

鼓含少黃宮  
諧鳳伏庚光  
赤帝騎龍  
嚙彼三星正  
昏中茂對  
乘時穆

聖衷陳金奏宣景風明光觀辟公

皇帝還宮中和樂奏顯平之章

彌六合黎元祝頌奉三無

帝念淵冲翦鬱元雲滄宸楓大雨時行黍稷芄虞琴奏  
皇在宮勤思劇月農

七月

皇帝陞座中和樂奏隆平之章

金井桐飄大火流夷則聲清律應秋天行轉蓐收

黃茂滿田疇曉光閭闔浮搏拊曼鳴球玉殿千官  
咸拜手仰宸旒

皇帝還宮中和樂奏顯平之章

鷹祭蟬鳴屆白藏御廩初登穀始嘗秋回禁陞涼  
皇居奠總章恩光正溥將零露浥瀼瀼六合顯顯齊所  
印挈珠囊

八月

皇帝陞座中和樂奏隆平之章

乾坤爽氣澄序宮殿清光靜安設九賓而法見叶  
九和於天端晻霭揚雲罕璫瓏動玉鑾列薇猷兮  
萬世肅纓冕兮千官

皇帝還宮中和樂奏顯平之章

雲高漢迥參見露白颺清蛭寒沆告成夫萬寶祇  
祝釐於三壇瑞穀岐而秀玉粢好且完喜盈寧兮  
百室納嘉慶兮天歡

九月

皇帝陞座中和樂奏隆平之章

鴻依銀渚菊有黃花隴雲飛木葉下百穀登場罷  
芳辰逢令嘉黃麾列正衙豹竿移龍鱗射日上朱  
霞天錫吾

皇多稼

皇帝還宮中和樂奏顯平之章

鞭鳴鐘動簾捲烟斜漾金風香衣駕天旋言還暇  
黃雲香滿車村村晝響初處深宮心區夏重恤民

家黼宸極風圖畫

十月

皇帝陞座中和樂奏隆平之章

時合黃純熙修司職顯皇執坎持權聽彤庭珮響  
玉琯風宣懷黃綰白趨丹陛

皇儀展於穆同天光華舜日果愚煥彩暄到齊編  
皇帝還宮中和樂奏顯平之章

寰海豐穰農夫之慶深宮理化揮絃念艱難稼穡

不敢游畋琳琅萬卷環天祿三餘愛清晏探研時  
幾勅命明良喜起所寶惟賢

十一月

皇帝陞座中和樂奏隆平之章

七日陽來天地仁萬物一中分人從心上起經綸  
網紀三才屬

大君答陽臨玉宸無私學化鈞包元履德日勞勤品類  
盛荷陶甄

皇帝還宮中和樂奏顯平之章

順氣祥風翔九垓太史正書雲沉幾先物福生人  
淵默雷聲秉道真八風依序均天根月窟循昭乎  
若日正三辰不遠復以修身

十二月

皇帝陞座中和樂奏隆平之章

斗柄將東四序周佳氣滿皇州嘉平吉日諏翠輅  
充廷立九旂吾

皇御大裘法座侍王侯服舊德布新猷穆若天儀福祿  
道

皇帝還宮中和樂奏顯平之章

太室黃雲紫氣蒙時雪報年豐天闕橐籥充臘鼓

催春大地通

皇家寶緒隆契合動昭融月西朏日生東萬載回環不  
息同

廷試臚傳樂章

乾隆七年定

皇帝陞座中和樂奏隆平之章

啟文明五色雲呈珊網宏開羅俊英梧桐彩鳳雛  
喈鳴氣如珠河似鏡集賢才於蓬瀛

皇帝還宮中和樂奏顯平之章

海榴舒木槿初榮宣賜宮衣最有名薰來殿角微  
涼生鳳棲梧麟在圓致

皇風於昇平

丹陛樂章

賢關大啟五緯麗霄光  
九苞彩鳳鳴高岡  
日華五色舜衣裳  
濟濟鏘鏘多士思皇

又定

廷試武臚傳樂章

皇帝陞座中和樂奏隆平之章

寶殿雲開朱檐日近  
甲袍金鎖玲瓏看敦詩說禮  
國士之風王朝楨幹資英俊  
參帷幄克詰兵戎雲

臺繪畫勲名偉績媲美前縱

皇帝還宮中和樂奏顯平之章

玉燭光調金甌綏靖兩階干羽雍容念求賢渭水  
兆協飛熊中林置兔多賢士資心腹雲起風從龍  
韜豹畧後先疏附鵬翼搏風

丹陛樂章

鷹揚鶚薦厲翮九霄清兔置在野維干城龍韜豹  
畧蜚英聲肅肅赴赴王克生

又定

殿試送榜導迎樂章

賢網寬整才俊畢登疏附先後

一人惟聖教澤長多士盈景運開龍虎蒸

命將出師樂章

乾隆七年定

皇帝陞座中和樂奏隆平之章

臨軒策將

聖武恢仙仗挾風雷龍驤虎賁羣英來專閫正藉勒銘  
才神機翊上台恩隆轂是推揚威邊徼圖雲臺承  
廟畧往欽哉

皇帝還宮中和樂奏顯平之章

絳霄瑞靄六龍迴寰寓靖氛埃天戈遙指閭闔開  
敦忠秉信闔外裁風雲列陣該崇墉計日摧鋒車電  
掣天馬徠軍聲歡騰九埃

丹陛樂章

金殿宸開銅龍啟推轂恩隆典儀九重上爭歌喜  
起敷聖教盡仰

天威

出師祭

堂子導迎樂章

維文武畧勲業攸崇欽承

睿算往征不恭扇仁風在師中月三捷奏膚功

又定凱旋樂章

皇帝陞座中和樂奏隆平之章

慶溢朝端霽祥雲河山清宴鈴旂追遞送歸鞍赫  
元戎緊良翰靖獻寸誠丹載干戈和佩鸞功成萬  
里勒銘還遐邇共騰歡

皇帝還宮中和樂奏顯平之章

雉扇徐迴徧堯封齊銷烽燧依依楊柳六師歸逮  
春耕修農耒論賞策勲隨九重深五絃揮敷天率  
土哀時對日月耀明威

丹陛樂章

決勝從容籌上將  
師行肆靖遐方宣  
武畧更敷文德垂  
衣治端拱明堂

平定回部凱旋謝

恩行禮丹陛樂章

二十五年定

紫霧氤氲浮彩仗  
丹階虎隊鵠行敷  
文德虞徽接響靖  
邊徼來享來王

平定兩金川凱旋慶賀樂章

乾隆四十一年定

皇帝陞座中和樂奏隆平之章

扇薰風六幕祥融共解征衣拜舞同雲開玉壘  
昭膚功頌聲靈赫以濯喜韜戈績銘鐘

皇帝還宮中和樂奏顯平之章

慶天中凱奏勲隆竿徽煙銷化雨濃磨崖紀勒銘  
重重壯

皇猷沛

帝澤聽歡聲徧堯封

丹陛樂章

遠播

皇威鯨鯢掃瘴雨蠻烟盡消看振旅歡聲載道瞻

天處樂奏簫韶

實錄告成進書導迎樂章

乾隆七年定

昭示無垓謨烈聿皇垂布方策日星輝朗配典墳  
揚耿光永繹思綏萬邦

又定

玉牒告成進書導迎樂章

爪趾滋長椒實衍昌公姓千億福疇維嚮定角仁  
朱芾皇錫類洪咸樂康

又定

頒時憲書導迎樂章

欽若誠亶

皇正朔頒分杪無忒玉衡齊貫敬授時宜暑寒穡事明  
民庶歡

又定

頒詔書導迎樂章

申命重巽綸下九閭勾出萌達百昌咸振象魏懸  
鞞鐸巡德意宣天地春

太皇太后三大節朝賀樂章

康熙二十二年定

太皇太后陞座中和樂奏升平之章

嘉樂

聖母慈徽穆穆協德坤元以涵以育以天下養永綏天祿  
皇情展慶禮明樂淑億萬斯年受茲介福

太皇太后還宮中和樂奏恒平之章

天祐

皇家景命游申宮幃重慶繁祉川臻如南山壽集嘏斯

純我

皇樂只燕及臣民薄海內外罔不尊親

太皇太后宮行禮丹陛樂奏晉平之章

彤庭景麗旭日祥風繽紛綵仗奕奕璇宮

鴻慈燕喜歡洽

聖衷萬方一軌來賀來同千官拜舞樂胥有融維壽維

祺天地並隆

又定

皇太后三大節朝賀樂章

皇太后陞座丹陛樂奏豫平之章

有懿

慈闈惟天下母厚德之符含弘九有式嗣徽音以昌厥後  
寵綏受之遐不單厚福祿來求如山如阜

皇太后還宮丹陛樂奏履平之章

百禮既洽燦然其章瑞雲承輦麗日舒長萬方玉  
食怡愉未央言旋彤幄凝祉儲祥

一人有慶萬壽無疆

皇太后宮行禮丹陛樂奏益平之章

品物咸亨景光清泰展禮孔偕式瞻嘉會金石相  
宣貫珠編貝思媚思齊德音四沛以介繁禧萬年  
保艾曰壽而臧曰昌而大

乾隆七年重定

皇太后陞座中和樂奏豫平之章

慈闈福履昌瑞雲承輦獻嘉祥徽流寶冊光玉食歡心萃

萬方旭日正當陽綏眉壽樂且康  
瑶池萸葉芳如山阜永無疆

皇太后還宮中和樂奏履平之章

璿宮瑞靄霏翬翟山河上衮衣  
寶籙慶璇幃萬國歡愉頌

德徽長日麗晴暉青鸞舞鳳在  
墀康強福祿宜億萬載祝期頤

皇太后宮行禮丹陛樂奏益平之章

皇家燕喜福壽協

慈徽千官拜舞萬國瞻依靄璇宮聖日輝

皇太后萬壽進表導迎樂章

昭受天貺鍾慶發祥

文母禔祉福隆尊養錫類蕃

慈訓彰億萬年臨壽康

平定回部冬至慶賀

皇太后宮中和樂章

二十四年十一月定

皇太后陞座中和樂奏豫平之章

慈寧集慶長坤元叶德煥嘉祥晴暉轉一陽玉食承歡福  
履昌西極盡來王同稽首頌壽康堯階蓂葉芳受  
茲福永無疆

皇太后還宮中和樂奏履平之章

璿宮靄紫烟日麗彤幃百福全德範播堯天文筭  
珠璣晉九邊翬翟耀瓊筵添宮線玉帛前綏和兆

萬年永樂愷協璣璇

冊尊典禮樂章

乾隆七年定

皇帝閱

皇太后

冊寶中和清樂奏海上蟠桃之章

海上蟠桃乍熟日邊紅杏初芳

慈幃履慶承天貺景福正綿長

一解啟蓬萊排仙仗露溥溥

凝仙掌褱衣翟服爛明璫耀金鋪日擁扶桑喜風

和駘蕩鑪薰百和香太平有象孝德光昌

二殿當解

中雲光養駕臨軒金閨敞孝思不匱重天常展瑤

函寶冊輝煌喜風和駘蕩鑪薰百和香太平有象

孝德光昌

三解

紫霞杯葡萄釀九華燈芙蓉桁流霞

紺雪酌天漿頌期頤地久天長喜風和駘蕩鑪薰

百和香太平有象孝德光昌

四解

玉衡平金波朗湛

露濃階蓂長雲璈法曲奏清商奉

慈徽長信傳芳喜風和駘蕩鑪薰百和香太平有象孝德

光昌

五解

萬方玉食尊親養孝治蒸蒸天下仰敬歌

萬壽無疆

趨辭

皇太后陞座還宮中和樂章

與三大節同

行禮丹陞樂章

與三大節同

皇后三大節朝賀樂章

康熙二十二年定

皇后陞座丹陞樂奏淑平之章

乾資於坤儷尊

宸極皇化攸宜

母儀萬國履順含章茂明內德福履永綏迺燕迺翼  
皇后還宮丹陛樂奏順平之章

椒宮奕奕陰教修明禕衣有耀環佩和鳴禮容孔  
恪萬福來成闕睢之德流美風聲

皇后宮行禮丹陛樂奏正平之章

采章有蔚禮備樂宣令儀令德率履無愆型家而

國實惟承乾既淑且和景福綿綿

乾隆七年重定

皇后陞座中和樂奏淑平之章

承天地道光嗣徽音兮儷我

皇椒宮壺教彰萬國為儀燕翼昌彤管紀芬芳春雲渥  
環珮鏘安貞德有常敷內政應無疆

皇后還宮中和樂奏順平之章

瑤樞煥上台椒殿風和麗景開晴旭上蓬萊佳氣

氤氲徧九垓祥雲護燕謀培麟趾毓蘭茝雉尾影  
徘徊看瑞靄集宮槐

皇后宮行禮丹陛樂奏正平之章

正坤維兮儷

皇極

母儀昭萬國福履永綏將六宮承法則

皇后千秋進箋導迎樂章

坤德柔靜陰教順承螽羽麟角允惟嘉應寶冊鐫

天慶膺永嗣徽如月恒

皇帝幸盛京朝賀樂章

乾隆八年定

皇帝陞座中和樂奏元平之章

維天眷我清一統車書四海寧

法駕蒞陪京祠謁

珠丘展孝誠陟降舊宮庭思

祖德答天明佳氣繞龍旂聖日海東升

皇帝還宮中和樂奏和平之章

文思洽九瀛神孫繼治游昇平皇初七德成締造  
艱難景命膺撫序惕中情凝旒佇若奉盈昭茲萬  
億齡

列祖武敬其繩

諸王百官行禮丹陛樂奏慶平之章

重熙累洽絃瀛被仁風穆如神孫臨鎬豐橋山禮  
成御故宮零露瀼瀼有來雍雍

外藩行禮丹陛樂奏治平之章

萬方合敬同愛所親尊思木有本水有源東西朔  
南咸駿奔純固恪恭日子雲孫

皇帝親詣辟雍殿講學樂章

乾隆五十年定

皇帝陞座奏盛平之章

辟雍建規矩圓方復古自吾

皇

先聖宮牆千仞近講學升堂於論鐘鼓鏗鏘春水園  
橋流浩湯作

君師時萬億隆禮樂煥文章

皇帝還宮奏道平之章

聖人出天下文明玉振叶金聲日月江河昭法象自古  
經行

講筵黼黻和平熙事純常茂典成覺羣黎敷五教彞倫  
敘萬邦寧

行禮奏慶平之章

禮成典樂辟水監姬章中天日月瞻顙印

宸儀有肅拜舞行壽考遐昌

聖化汪洋

皇朝文獻通考卷一百七十

欽定四庫全書

皇朝文獻通考卷一百七十一

樂考

十七

樂歌三

行幸饒歌大樂章

乾隆七年定

大清朝第一

大清朝景運隆肇興俄朶奄有大東鵲啣果神靈首出

壹戎衣龍起雲從

解一

雷動奏膚功舉松山拔杏山

如捲秋蓬天開長白雲地威凌河凍混車書山河

一統聲靈四訖萬國來修貢

解二

皇宅中垂統瓜瓞嘽嘽

聖繼

聖功德兼隆昇平頌怙冒如天恩澤濃

解三

人壽年豐時雍

風動荷天之寵慶

宸遊六龍早駕一朶紅雲捧扈

宸遊六師從幸萬里歡聲共

四時仗第二

御勾芒春載陽震位峙東方順時令駕蒼龍駢吉

良見垂虹青萍漸芳行慶施惠恩波浩蕩

解一御祝

融晷正長南極星輝朗駕朱路萬騎騰驤贊俊傑

遂賢良

解二

蓐收節露華初降金風乍涼允列西方

載白旂乘戎路移天仗萬寶告成

一人有慶天垂貺

解三

額帝司方水泉始涸天際彩虹藏

乘元路駕鐵驪雲衢晃漾萬疊明霞捧太陽四時

節物邀歡賞

四解

皇謨

聖德欽無兩舜日光天壤花明彩仗齊雲暖龍旂颺際  
昌時歲翹企仙輿降際昌時歲翹企仙輿降

承天眷第三

承

天眷際風雲萬國車書奉

一人衣冠快覩唐虞盛九域抒丹悃殊方重譯盡來庭

和氣召嘉禎

解一

稽古訓溯昌辰元首明哉勵股肱

一心敬怠丹書儆宵旰不遑寧日新又日憲湯銘

翼翼更欽欽

解二

端不為繁華麗錦繡春端不為玉

樹菁蔥太液澄喜今日調和玉燭烽煙靖不敢忘

百年有備軍容慙那辭得陳師鞠旅擁旌旌

皇衷切憂盛更危明

解三

泰階奕奕璣衡正功業麟兮炳

千春清宴歌億載登豐慶喜金支紛旖旒蓬山境

喜金支紛旖旎蓬山境

貢琛球第四

琛球輸貢外藩歸化隸版圖正朔咸尊奉樂浪郡  
在海東安南國粵嶠關蠶叢日本國畏威震悚琉  
球國奉朝請與內臣同一解萬邦虎拜咸修貢干羽  
何須用東風入律吹干呂青雲湧海安瀾更上獻  
河清頌海安瀾更上獻河清頌

錦繡乾坤第五

錦繡乾坤佳麗御世立綱陳紀四朝輯瑞徵師濟  
盼皇畿雲開雉扇移黎民引領鑾輿至安堵村村  
颺酒旗恬熙御爐中靉靆瑞烟霏恬熙御爐中靉  
靆瑞烟霏解一鸞聲嚶嚶來雲際九奏韶鈞沸觀光  
仰赤球扈從盈朱帑奉

皇歡畫三接

天顏喜奉

皇歡畫三接

天顏喜

中天盛世第六

中天盛世邇安寧瑞麥嘉禾表歲成騶虞白象出  
郊垌共祀吾

皇聖嵩岳欣傳萬歲聲慈寵佳氣滿都城萬里黃圖鞏  
帝京衣冠文物際時亨海隅寧謐無邊警巷舞衢  
歌樂太平喜今日金甌一統萬年清徧閭閻搯縵  
歌風絃誦興更郊原野蠶成繭拓陰輕一解時和歲

稔調金鼎鳳宸花相映青疇麥兩歧黃隴禾同穎  
屬車臨喜萬歲聲遙應屬車臨喜萬歲聲遙應

奉宸歡第七

奉

宸歡天單厚風光輦路浮遐阡邇陌都是黃雲覆羽蓋  
春旗徧璘似繡正田家作苦勸耕時休馳驟金鐙  
鞭敲弱尾懸車後藏富於民於民藏富

晴開五雲第八

晴開五雲移翠輦臣庶咸歡忭載見兮載見懷遠  
復懷遠

聖人朝綬雲歌復旦

解

際中天一氣鴻鈞轉習習和風

扇龍津燕影低柳栢鶯聲囀望龍旌迢遞過晴巘  
望龍旌迢遞過晴巘

瑞雲籠第九

彩仗瑞雲籠度晴巘幾重金爐高擁香煙浮動杳  
靄大夫松和鸞到處和鸞到處百靈從玉檢金泥

編珠毓貺不數漢家封

駕六龍第十

駕六龍御翠華

帝德光天下  
薄海內總一家  
四徼外正朔加  
這聲靈赫濯被四表  
暨荒遐

扈翠華第十一

扈翠華兮載馳御帝車  
兮載脂命風伯兮吹雲師  
灑道兮如絲清飈兮應時

四時念第十二

仲春時司馬教振旅喜韶和緣萋芳草滋平楚執

鐃執鐸兼賁鼓盤旋處如組還如舞

解一

念春日萬

彙初榮臙况田家負耒牽牛方作苦解置去絡仍

弛畧天心祐應節彌甘露

解二

仲夏時司馬教芟舍

暢恢台鉅蘆茂草披平野名州名邑驅征馬行圍

罷落日征袍却

解三

念夏日赤輪炎似炙况我民體

足霑塗泥沒踝柳風沐雨無晨夜休嚴駕冲然居

臺榭

解四

仲秋時司馬教治兵喜颯爽金風初勁角

弓鳴載旗載旒子禮旌戢軍營萬寶正秋成

解五

念

秋日氣爽又風清况郊原農事方終稼已成用遵

周禮詰戎兵望龍旌壺漿父老迎

解六

仲冬時司馬

教大閱正平郊獸肥草淺寒威冽建旗樹表疏行

列多歡悅誰道裘如鐵

解七

念冬日一陽初動脈况

南郊陶匏明水將誠潔草甲方萌芽未茁居金闕

萬國來朝謁

解八

壯軍容第十三

壯軍容威四方礪戈矛森甲仗剖文犀七屬爛如

銀帶鮫函璀璨難名狀這的是金城保障

解一

有純

鉤巨闕和盤郢魚腸更有湛盧紫電承影含光又

豪曹似水素質如霜賽莫邪干將

解二

官箚最精良

象弭魚服竹箭弧桑更紅翎白鏃飲羽危梁控弦

徹扎有猿臂軍中飛將

解三

潤銛鋒鵬鵠初瑩鏐莖

錫龍雀成雙文似靈龜象侔白虎是靈寶亦曰含

章比昆吾切玉百練純網

解四

垂氏弦木縻張斯創

冬幹春膠鳥號繁弱明月當朔朗九合既成二弓

交韞

解五

振金饒鳴金鐻畫閣悠揚月明時風靜夜

清吹還三唱踴躍軍心壯似鳳鳴又如鶴唳更籌

響刁斗傳千帳

解六

表和門旌旆揚象七星建九旂

置九章錯翡翠鸞鳳煒煌戈招搖韜素錦黃龍大

纛在中央

解七

鏤衛鞍翠羽威金梁珊瑚鞭瑪瑙勒

靡麗非常啟譁囂威朝不尚但推轂求良將雲行

雷動正正堂堂

八解

日初昇第十四

日初昇雲光曉旌旗暖龍鱗耀望雲山紫翠千重  
度耕隴桑麻隱約黎民歡樂道餘糧棲畝又長嘉  
苗一解不讀書知忠孝作與息耕和鑿玉泉流膏雨

千塍晴雲飲炊烟萬灶黎民歡樂道餘糧棲畝又  
長嘉苗二解景融怡風料峭太和會豐年兆噲其饒

士女媚依鍾斯趙曾孫迎勞黎民歡樂道餘糧棲

畝又長嘉苗

三食解

君恩深難報願

聖壽如山岳稼既同跂脚高眠戶不閉官清訟少黎民

歡樂道餘糧棲畝又長嘉苗

四解

翠華臨霓旌導導

平陸登仙嶠但只見蔀屋衡茅一個個體溫腹飽  
不知不識日上眠方覺惟祝吾

君真有道厖痾瘰薄賦輕徭敷教澤愛親敬老黎民歡

樂道餘糧棲畝又長嘉苗

五解

嘉祥曲第十五

湖嘉祥華平朱草毓中唐龍圖授龜書昇授澤馬

駕騰黃延喜玉從天貺屈軼草堦前長

一睹榮光

白麀赤雁與芝房游河渚赤文綠字舒蘭葉五色

成章仙萸葉葉滋春圃瑞羽鏘鏘鳴女床亦有祥

麟一角和鳳鳴在高岡

二解

日重光戴冠抱弭出扶

桑月重輝星重潤玉繩轉南極熒煌竹葦露甘如

釀蒲芰風如秋爽

三解

舞鸞凰非烟樓閣繡衣裳寶

鼎現駟虞出浮沆瀣泛天漿稽往牒探珊網陳瑞

物難名狀

四惟我

皇不矜異物與殊祥闢四門明四目求俊乂顯賢良愛

稼穡垂旒纁措吾民春臺上

五解

練吉日第十六

練吉日兮撰佳辰百僚具兮與衛陳屏醫弭節兮

玉宇無塵煌煌兮帝車奕奕兮天輪

一解

命太常兮

奉牲用昭告兮百神潔粢盛兮肅明禋將展軫兮

効駕行下觀兮勤民

解二

甸師清畿兮緝草如茵野

廬掃路兮香霧承輪封人設桓兮左城右平掌舍

具儀兮爰象太宸玉輦兮鏘鏘屬車兮隱駟

解三

扇

微颺兮清愔扈細靄兮朱輪備天官兮周衛盛輿

服兮時巡虎賁兮肅肅徒旅兮駢駢

解四

前驅兮按

部後隊兮如鱗微萬玉兮警途詔弭策兮八神

解五

軼浮景兮騰青霄駟蒼螭兮駢絕塵凌高行兮崕

嶮陟蠻阜兮輪囷

解六

仰皇輿兮肅震岳獻圖兮川

貢珍若湛露之晞朝陽兮儼列宿之拱北辰

七  
解 陰

華蓋兮翊勾陳綃紉絳縹兮旗旒逡巡配帝居之

陳表朱兮離位植皂兮元冥飛縞兮象兌峙青兮

陳表朱兮離位植皂兮元冥飛縞兮象兌峙青兮

直震

九  
解

流星旄電燭兮盼玦玼以無垠九旗紛而

揚旂兮五輅委蛇以接軫盛天下之壯觀兮將豐

鎬之是遵頌高山之荒作兮仰

一人之饗

親

十  
解

謁珠丘第十七

謁

珠邱杳靄松楸展几筵敬仰

先猷國家積累惟忠厚篤公劉

一解

緬音容霜露春秋設綴

衣大貝天球愾聞懷見如親覲溯前床

二解

奉犧尊

首酒思柔覲羹牆蘋藻初羞萬方玉食尊親久無

須效漢代衣冠月出游

三解

寢園展祀尊堂構

文謨

武烈光前後蔥龍佳氣浮縹緲祥雲繡億萬載升恒景福

從天祐

四解

高山天作扶輿秀遼海環其右鍾祥瑞

氣蟠翊運靈光茂萬斯年永奠定天同壽萬斯年  
永奠定天同壽

御黻座第十八

御黻座肅朝儀沛公法駕陳元會雲深處天門詠蕩太

極崔巍

解一

九賓設彤闥啟扶桑初擁瞳矐日傳臚

句羣僚濟濟百辟師師盡呼嵩冠帶委蛇

解二

獻琛

球圖王會呼韓稽顙瞻雲日無中外雕題鑿齒烏

弋黃支慶躬逢盛世威儀

解三

中天華闕浮佳氣締

造經營萬載基世德念幽岐天澤陳冠履看到處

祥颺旒藹羽蓋葳蕤看到處祥颺旒藹羽蓋葳蕤

長白山第十九

長白山遠峙開原冠高峰峻極於天巉巖分棹漢



兮羣巖

七解

松花江波影澄鮮北流兮竝海西旋混

同兮合流自古兮長川

八解

遼河兮泮泮汪濶遼澤

兮泥淖蹢躅布土兮為橋既成兮孔安

九解

飛瀑巖

瀑布常懸翠雲屏雲影連蜷聖水兮傾盆萬松兮

畫寒

十解

平壤城箕子名藩太寧城漢曰新安演範兮

兮陳疇帶礪兮河山

十一解

鍾扶輿虎踞龍蟠植靈

基天作高山拱衛兮陪京永奠兮萬年

十二解

布爾湖第二十

布爾湖明如鏡庫里山秀列雲屏風來千頃碧雨

過數峯青萃扶輿淑氣是天地鍾靈

解一

有天女兮

降生池畔吞朱果兮玉質晶瑩珍符脗合爰生

聖

解二

神靈始生即能言睿知聰明不待學徇齊敦敏至德

莫能名

解三

日角珠庭稽古帝握褒履已更龍顏戴

千荷勝岐嶷摠天生

解四

當是時厥有三姓角雌雄

亂靡有定蠻觸互相爭

解五

汲清泉言至河濱見

真人如日如雲稽首共來迎

解六

覩堯眉衆姓咸驚是非常

天不虛生葵藿早輸誠

七解

念吾曹原非好爭今有

主得荷生成從此戢戎兵

八解

定三姓尊為貝勒似

岐州虞芮質成荒度始經營

九解

溯從來誕聖厥多

瑞徵華胥履跡青雲繞身樞星照野虹流太清瑤

光貫月元鳥承罍載稽典籍辭難罄肆皇清

至人首出乾坤篤生自羲昊軒農瑞籙祥經莫與京

十解

建遼陽第二十一

建遼陽爰築崇墉矗金城兮萬雉控列辟兮朝宗

遠邇兮歸懷庶邦兮是同一解懾

天威爭執鞭弭歌孔邇願受帡幪興朝正朔咸尊奉遂荒

大東

二解

有哈達首鼠兩端數渝盟自外陶鎔天兵

一舉咸驚悚似草從風

三解

有輝發反覆不常外生

成夜郎自雄六師迅發如雷動棄甲投弓

四解

有烏

喇包藏禍心逞螳臂欲試車衝弋鋌一指雕弧控

似掃虻蠊

五解

有葉赫琿陵負隅似游鱗翔洋釜中

狡焉潛結朝鮮衆朝夕羽書通

六解

有朝鮮僻處海

濱與葉赫狼狽交通蛩蛩甘草相承奉結壘似屯

蜂

七解

閔明季陽九方丁如懸磬杼軸其空朝鮮葉

赫相愚弄勢威不知窮

八解

四路兵犄角來侵無紀

律誰識為雄一時烏合無拳勇號令馬牛風

九解

五

十萬封豕長蛇肆貪狼非不恟恟只緣逐利非心

奉臨事各西東

十解

恣侵陵師出無名我天朝用詰

兵戎堂堂八陣

天威聳落葉掃秋風

十一解

一戎衣為救黎元曾不費蒿矢

桃弓遼陽建後金湯鞏王業首岐豐

十二  
解

瀋陽城第二十二

瀋陽城王氣所鍾氤氲五采縹緲如龍信佳哉鬱

鬱葱葱

一解

析木津箕尾之東上連天弁右抱神宮

濟津梁霄漢垂虹

二解

近北極象逼穹窿元菟置郡

都護安東越金元頻建畿封

三解我

皇朝氣運方隆此惟與宅用恢厥功相陰陽宅土之中

四解

惟廣寧屹屹崇墉石梯連磴香水春溶十八盤

萬樹青松

解五

若旅順臨海居衝番彛屬集估舶雲

從轉南漕天庾斯充

解六

取廣寧唇齒圻封維茲旅

順亦是率從啟鴻圖駿烈豐功

解七

左朝鮮右際雲

中卜惟洛食龜筮斯從叶天人是為大同

解八

帶渾

河滄海朝宗白山控峙石柱雲封是神臯俗厚民

豐

解九

遼西南遼水滌滌襟環東北黑水混同壯聲

靈鎬京辟雍

解十

擴輿圖北暨烏龍牧羝舊部使犬

遺戎震

天威罔不祗恭

十一  
解

念中原民力困窮殫輸將比屋皆空

干戈充斥民無控拯其塗炭出水火中會清明四

海來同

十二  
解

### 鐵嶺山第二十三

鐵嶺山峰如削燔白石不消鏤遼陽之東鼓橐籥

一  
解繡嶺山萬花谷間松塢連雲壑海城之南氣磅礴

礪上有三泉甘可酌

二  
解

平頂山雲漠漠車曾駐盆

可浴上有積水冬不涸

三  
解

木查嶺如劍鐔峻而坦

寬以博查水發源巖際落

解四

降龍山神所託勢蜿蜒

蛺如擎攫風雨欲來光景爍

解五

水泉山滋乳酪清

且美用烹淪萬斛珍珠瀉簾箔

解六

南雙山巨靈拓

左陽峰右陽壑青天秀削芙蓉萼

解七

是諸山互聯

絡忽低昂而乍萼羊腸宛轉緣蜂閣鳥道窮今構

略約

解八

聚蔥夢儼齟齬嵌嶮峒寥廓蔽虧日月

愁猱攫可喜可驚魚可愕

解九

地呈符天開鑰牙靈

秀阜飛攫巨木如林纖草弱茂對乘時萬物育茂

對乘時萬物育

十解

孕嘉產第二十四

孕嘉產厥族滋蕃悉數之更僕為煩山經爾雅空

排纂畧疏梗概用告司原

一解

有於菟蒼質元斑吼

腥風林葉摧殘霧中元豹尤號悍異名同族艾葉

金錢

二解

熊似豕穴處空山善搏人春出冬蟠黑文

黃白仍修幹力能拔木不畏戈鋌

三解

有野馬形質

輕猱走深山不服鞍韉日行五百如奔電野驂似

馬亦產遐邊

解四

扶輿鹿性喜林泉獐無胆力心常

戰惟麇惟麇類族殷繁

解五

狼白頰前高後寬或蒼

或黑皆膘健豺尤猛厲祭獸秋原

解六

一封駝肉自

為鞍頸修蹄曲耽芻豢力能任重用祭軍饘

解七

狐

性疑狸愛安眠毛深溫厚為裘煖貉能求食富則

資糴

解八

兔娑娑亦稱比肩鼯鼯五技徒蒙訕鼠名

艾虎亦屬茭茭

解九

貂似鼠其質龐然食松苗以栗

為饘紫毫豐毳服之孔安

解十

馬牛羊閭巷喧闐白

頭豕用給盤餐居民比屋充常膳不須臆列以免

詞煩

十一解

是熙朝茂育功宣致物產滋盛春田四

靈為畜麟遊甸殊詳上瑞多載青編

十二解

毓靈禽第二十五

毓靈禽五色名翬虞人歲捕供時祀沙雞無趾出

青林亦貢丹墀

一解

有舒鳧洵腴且肥家鷺舒雁仍

甘美青鸕次之信天緣鵲鳩之類

二解

鳴九臯元裳

羽衣鸛鳴於垓丹其喙禿鶩長頸在水之湄剪霜

翎用飾忘歸

三解

鶉在梁載咏風詩淘河吸盡蹄涔

水斑鳩性拙縮脖子高飛並翱翔適性忘機

四解

燕于

飛下上差池善營巢秋去春歸曙色纔分最好是

數聲乾鵲簷頭報喜

五解

啄木兒利口如錐蠹蟲穴

樹藏身固緣木而求必得之在衆禽中號為多智

六解

黑龍江爰有深池雁來初湛淡羽儀鵠鷄麋鵠

羣游戲汎清波卯息繁孳

七解

到春來田鼠為駕考

之爾雅黃鸝是倉庚鳴矣夏日遲遲柳陰中好音

流利

八解

遼河鷹松兒朶兒海東青性尤猛鷲天鷲

褫魄狡兔何施虎斑雕差可肩隨

九解

萃羽族深林

茂林飲與啄惟性所宜太和洋溢民物恬熙奏簡

磬鸞鳳來儀

十解

### 蕃珍樹第二十六

便蕃珍樹籠谿覆隰爰有蕭艾香蒲春雨後叢生

幽渚紅杏緋桃紅杏緋桃兔絲萼菴連岡被楚藥

籠儲馬蘭知時節紅藍蒿不如

一解

松釵雙股是爾

雅篇中所著惟有神京秀鍾扶輿歲寒姿其針獨  
五八千歲為春八千歲為秋大椿齡綿綿萬古被  
光華含雲隱霧瑤光降斗樞三極五葉滋靈草地  
產奇珍洩秘符地產奇珍洩秘符

二解

建皇極第二十七

建皇極司徒度廣輪壯皇居太史陳圭臬端徑遂  
三塗達九遠相陰陽百堵依繩尺

一解

南德威當陽

離向明東撫近出震青陽闢西懷遠金行靖甲兵

北福盛象緯通天闕

二解

前天佑高明法健行後地

載博厚符坤德左內治訃謨綏廟廷右外攘聲教

敷重譯

三解

表雙闕艱難念武功致太平垂拱思文

德崇政殿穹窿憲紫垣鳳凰樓樸素無雕飾

四解

誅

蕩蕩天門闕九重扇巍巍雲際開金闕盛興服衣

冠拜冕旒肅威儀羽衛陳刀戟

五解

夜漏盡猶傳衛

士殮曉鐘鳴遽進雞人憤規久大朝廷多直言謀

萬全殿陛無遺策

六解

援禮經郊壇建國南考異章

展敬陳蒼壁禋閔宮春秋厘孝思重宗盟宗正司

宗祏

七解

得天心謳歌獄訟歸乎人意鎬洛聲靈赫

定中原鴻圖萬載基作陪京巡幸朝羣辟

八解

鑠皇清第二十八

鑠

皇清景命隆成天平地永宅中

聖繼

聖績豐功制作定世符御天乘六龍

一解

樂昭德禮備容軍

敷文教八方通道德一風俗同

皇威馳海徼仙仗過崆峒

解二

詠芹藻歌辟靡崇德黜惡

發羣矇蛾有術瞽有宗壽考而作人棫樸其芄芄

解三

嗟保介咨臣工犁雲耕雨勞厥功繪無逸圖幽

風率育配彼天倉箱裕我農

解四

種咨川桑戾風禕

衣東向明婦功肅壇墠比先農父老歡德化耕桑

帝所崇

解五

整屏翰屹金墉得人則治簡

帝衷甘棠芾黍苗芄廢墜罔不修萬里咸提封

解六

闕二

宅達四聰旁招俊乂秉至公霧豹蔚雲龍從曰舉

爾所知名字書屏風

七省

耕歛寬租庸神倉百萬

備荒凶胥保惠振貧窮暑雨與和寒咸化為春風

八畎

澮濬軌涂通誕䟽地脉浚與缺水攸利年自

逢浩浩乎恩波匪今頌屢豐

九

什一稅惟正供求

民之莫飭司農免溝壑樂殮饗損上以益下

皇王儉德共

十

海蕩蕩水朝宗日東月西出其中旦復

旦無終窮涵乾而納坤何所不包容

十一

斡璇璣

走靈囿嘉生繁植蕭艾空沛然雨薰兮風至誠契

天心無為而允恭

十二解

稽典禮命秩宗釋回增美

惇且庸筠其竹心其松本天以穀地夙夜襄夔龍

十三解

由心生與政通作樂崇德應八風舞蹲蹲鼓

逢逢勸之以九歌還相為其宮

十四解

師出律萃除

戎包戈衅甲百年中戒不虞慎厥終有嚴講武事

大閱張軍容

十五解

鵠食甚泮林中小人革面順以

從嘉肅閑囿圉空訟庭有青草獄吏服儒風

十六解

蘭有秀桂有叢白駒空谷豈時雍無遺賢胥在公

天工人其代六合臻邕隆

十七解

屏藩寄盤石宗本

支百世五等崇式分玉匪剪桐天潢流且長詎曰

陝西東

十八解

繩

祖武紹

宗功於

皇繼序克履中震主器乾飛龍

聖聖亶相承凝旒仰篤恭

十九解

祥繞電瑞流虹於萬斯年

聖緒洪麟振如乙造娥文子復文孫千億紀無窮

二十解

休滋至昭有融樂胥受祜龐且鴻醴泉溢膏露濃

升階協貞吉萬物泰而通

二十解

時巡狩朝會同淑

旂綏章條革冲珪贄集鞮譯從聲靈震夷夏四海

仰

皇躬

二十解

凜帝謂敷帝衷萬年遐福聿來同周墮嶽漢

呼嵩籙圖天不老治化日方中

二十解

樂九成歌三

終一游一豫盛德同臣矢音眊奏公時邁憂簡磬

金石間笙鏞

二十  
四解

行幸饒歌清樂章

九龍旃第一

九龍旃旂列宿懸龍角天田見箕翼常舒展龍

尾更連螭牽牛近帶房心建東壁耀星躔

一解

婉孌

奎文麗日天堦現參旗曳九旒玉井珠駢柳七星

曲曲如鉤卷和門啟萬幕塞

二解

邕皇威第二

卷

皇威好山如障翠屏圍凝樹色烟成縷鎖嵐光雲漸低

回峻嶺絲韁徐按度崇岡玉勒輕提龜背鎧滲金

厯月明風曳素綃旗

解一

靖邊陲為思將師鼓征鼙

嫺八陣齊九伐用三驅式九圍撼山岳風雲動色

固封疆鸛鶴爭奇驅騷裒跨纈離日輪高擁杏黃

旗

解二

奠鴻基百年不用是王師在園囿麟和鳳貢

琛球航與梯因農隙講求獮狩際時和訓練熊羆

獅蠻帶錦欄圍晴雲不動絳紅旗

三解

太平時狼烟

不設羽書稀四郊外無烽壘四民中多壽耆粉榆

社我田我稼羽林郎如虎如貔短後服曼胡垂遠

山一抹蔚藍旗

四解

綠陰中凱奏歌聲美蘆管清笳

沸四海樂昌期萬國國王會馬如龍迤邐車如水

馬如龍迤邐車如水

整貔貅第三

整貔貅順天因地依山建壘制勝爭奇鄭驚越雁

鸛鶴魚魚麗翼張舒常山形勢用神機太乙陰  
符秘先天遁甲奇北壯方圓縱橫斜銳變化從心  
起左鈐戈右雄戟朱繒丹羽去忘歸朝陽舒畫旗  
柳葉貼青驪車書萬里同文軌

河清海晏第四

河清海晏花村犬不喧講武訓戎旃幕府多雄健  
韜鈴有秘傳虎旅列戈鋌却炊霽暮煙鉦鼓競喧  
闐郊原自晏然轟雷掣電端的是有征無戰有征

無戰

輦路平第五

輦路平錦隊開寶纛懸日麗風和瑞氣鮮前旌載  
鳴鳶春旗曳柳烟遙聽處喚晴鳩啼杜鵑寶劍雕  
弓繽紛在後先氣雄邊花飄柳葉鞦韆鼓錦連錢  
鉦鼓聲隊隊悠揚出遠天農夫自力田村童自笑  
喧望前驅早度夕陽川望前驅早度夕陽川

景清明第六

景清明萬景蕪雲物煥皇圖集禎符羽儀絡繹在  
春田駐羽儀絡繹在春田駐

聖武光昭第七

聖武分光昭玉燭兮調秋猶冬狩建旌旄曳紅旂四方  
永定樂清朝琬琰久已縶龍泉久已韜勾陳朗衡  
天樞耀兩階干羽格有苗掃盡梟槍舞舜韶中天  
泰交文教敷敷文教

皇風泰第八

皇風泰景物妍元虬奕奕辰旒建靡畫旃行爐霽  
細煙落花香印馬蹄圓落化香印馬蹄圓

慶雲呈第九

慶雲呈霞光絢晴鳥蹄芳甸柳芊綿風來絮顛柔  
絲胃盛世多清晏頌堯年祝堯年

象天行第十

象天行玉輦金根扈宸遊萬騎雲屯角弓箛鼓聲  
相競美車攻之子於征簡車徒有聞無聲

解一際昇

平清朗芳騰慶三農百室盈寧羽旗芝蓋參差映  
念民依還廬

皇情樂清時盡載

皇仁

二  
解

虹流華渚第十一

虹流華渚星輝電繞樞慶長庚燦爛祥光汎護輦  
皇圖永固非煙非霧非煙非霧東海扶桑日裏金烏蕭  
索輜因樓臺殿宇天酒凝甘露煙雲杳靄中廣樂

鈞天盡向風前度時清每賜酺時清每賜酺民樂  
還蠲賦喜隨天仗蹌蹌濟濟幾多鸛鷺

皇都無外第十二

皇都無外更日月光輝一統車書祥麟在藪鳳來儀貢  
筐篚玳瑁文犀聞說青雲干呂島嶼平夷是中土

聖主當陽喜輦下還將八景題

解一

蘆溝月曉更西山雪

霽瑞色熹微金臺夕照曳斜暉太液池萬頃玻璃  
還有居庸疊翠峻嶺崔巍崔巍玉泉虹瓊島春雲

薊門外空濛煙雨飛

二解

夏謗歌第十三

夏謗歌聲徧九垓又見山重複水滌迴相風高指  
靜塵埃這的事萬國春臺歌元首明哉歌股肱良  
哉懋哉庶事康哉喜鑾輿到來喜鑾輿到來靡魚  
須桑麻菴霽度高原龍旗沛沛

宸襟周覽徘徊

宸襟周覽徘徊識民心愛戴民俗和諧華封人祝三多

紅日近堯階從今後祝

皇圖千秋萬載

芳塋曲第十四

看取芳塋錦甸長  
楸古道細柳清泉  
風來霹靂拓  
弓弦日華組甲飛  
晴練吟猿落雁垂  
楊已穿紅陽  
紫燕蟻封又旋  
軍容煜燿如雷  
電

解一畝獵無非習

戰車攻四牡王制三田五祀曾詠召南篇七騶用  
戒司徒演獸肥草淺龍旗有虔批頤扼頰虎賁載

旋駕言行狩遵先典

二解

渥洼曲第十五

渥洼中珠露氤氲天產龍媒苑蓄祥麟命臧圉辨  
其物色時其芻秣萬駉駉驄夾鏡竹批耳峻權  
協月風入蹄輕綠地銜轂紫燕駢衡騁長途人馬  
相得如聖主之得賢臣

美留都第十六

美留都崇儉法陶唐大政當陽十署雁分行謠詠

政事肅官常飾槐楹無煩刻鏤列栱橑無取焜煌  
珊瑚琳碧何似茅茨土墻符帝車太乙運中央紀  
元建號承天貺啟

皇圖居尊馭極從民望靈臺雲物紀嘉祥五緯麗文昌  
車四國迄八荒瞻雲就日成歸向詠德歌風壽且

康解一金墉屹立平原曠佳氣

皇居壯天文屬尾箕地脉開蓬閭鬱葱葱與柱軸同輪  
廣鬱葱葱與柱軸同輪廣

湖興京第十七

湖興京實

帝鄉艱難開叛莫中原獲萬方太平休養水源木本繼  
序不忘我受命溥將率由舊章勤祀典不愆不忘  
無怠無荒維新舊邦輯瑞玉載弁奉璋來享來王  
一輪紅日擁扶桑廣樂記鏗鏘歌燕鎬蒞明堂雲  
移北斗成天象酒近南山作壽觴覃四國迄八荒  
瞻雲就日咸歸向詠德歌風壽且康

一解

周岐漢沛

宰相讓綠水環青嶂龍興氣蜿蜒牛渡波滌漾覲

天顏和日霽胥瞻仰覲

天顏和日霽胥瞻仰

格皇天第十八

格

皇天順民心聲靈赫濯雲霓望明丁百六餘分閏位穢濁

天常肅

天威一掃欃槍定兩翼列旌旗分八行黃白紅藍如砌錦

東西兩次自北而南如山嶽各為一行握竒經天  
元地黃四竒四正包羅造化洞陰陽風雲離合無  
恒象縱橫八卦變化無方握神機位在中央法河  
鼓先登上將左九星如珠斯貫右九星屈曲如匡  
中權玉斗安牙帳礪戈矛器甲精良勲臣功績在  
旗常燮伐藉鷹揚廟筭長軍容壯指揮大定牛辭  
阜棧歸桃野馬脫金羈卧華陽

一師

貞協吉天成

象

聖武兵須講威加四海清恩逮千夫長看中林置肅肅  
干城將看中林置肅肅干城將

大凌河第十九

大凌河爽塏高明被春臯細草敷榮擢纖柯首霜

秋來盛

解一

溜春泉琮琤玉聲漚廣澤水淨沙明注

遼河一派澄如鏡

解二

曠平夷颯爽風清際朱明暑

退涼生謝炎翬飛蚊知避境

解三

宜畜牧牡馬在垆

甘水草虻蚋不驚歲蕃孳芻秣無違性

解四

選龍媒

曜采何精翻紫燕聳鬣長鳴或乘流沂淺過沙汀

解五

志倣儻產自幽并控奚官首絡黃金或輕猱萬

里志長征

解六

或蹄齕憑騎怨生或偃卧豐草長林

或就浴漱澹玻璃淨

解七

或繁樹身間體輕或俯齕

沙肥草馨或驚馳似畏珊鞭影

解八

或舉足遲回未

行或競步浮雲共征或駢驛踟躕青莎徑

解九

或權

竒高穎露晴或深穗步遠視明或攜駒汗血天池

孚

解十

喜昌時澤馬效靈十二閑並毓房精駕鼓車

遠方還納賁

十一解

萬年基海宇清寧阜飛黃鸞輅

和鳴巡遊不貴駒駉駉

十二解

狩于原第二十

狩于原素節商秋日華宣月金波山川如繡曳明

月靡魚須用三驅載馳載驟

一解

騷裒駉如舞遠衢

去若流亭童羽葆遵靈囿月滿烏號勁沙融露草

柔

二解

師執提工執鼓夏茁迄春蒐轂麇積贊猛愁

太白其左天狼右夙駕于原殲禽殪獸

三解

言觀其

旂參偃風旂言觀其馬乘翳玉糾擬戟矛褊紕鞬

獸驚人怒聲啾啾獵圍日落風悠悠

四解

雨獸風禽

貫脇捲喉目電閃腥雲浮濡縐一吹吹劍首序屬

三秋嚴凝氣擎木葉山寒翠幄稠

五解

孰矢箛之於

維繁弱弓孰縻噉之於維屈盧矛以作六師繫豈

從禽謀亶帝德煥神猷泰階奕奕綜乾紐

六解

紅雲

隨過輦紫氣傍行輶山似黛水如油清切鳴笳馬

上謳伊州涼州華鯨擣處靈夔吼

七解

習五戎命七

駟司徒措扑施車寧揚清鞞著岑年獸臣拜賀同  
于狩一歲三田昭典禮豳歌狐貉為公裘

八解

雲峰

繞宸幄稠壹發五祀奉時辰壯儻儻俟俟如山阜

而傷禽不獻蹄掩跡斯求貴仁賤勇垂王猷

九解

馳

深鼓利戟趨險驚飛輜塞蠟螭城篴篴既長既溥

肇公劉震赫萬國鞏千秋

十解

苞枿允矣析木之陬

於穆

原廟皇矣

珠邱時祭涓孝饗對揚錫宏休薦芳還講武玉輦統貔貅

十一解

鴨綠之江綠波流長白之山白雲浮于京斯

宅東序陳天球法駕蒞陪都蠟燭道游湯網開

三面騶虞化可侔

十二解

丸丸百尺松鬱鬱千章楸

蛟龍奚遁藏豺兕供軀腰天開上駟來庭廐來庭

廐造父執鞭王良挾輶睥睨周朝八駿遊

十三解

溫

都魯憤溝婁量衡王度式膏澤帝功流永千禩光

六幽星分箕尾揭魚尤靈威震疊兔置肅肅皆公

侯

十四  
解

午酉吉日諏金德常剛大火流王之士盡

好仇王之佐升大猷鳳儀廷兮麟在藪獻之

天子萬邦其祿

十五  
解

日上扶桑第二十一

日上扶桑

皇風鬯日上扶桑

皇風鬯湛露瀝金莖仙掌

聖天子正當陽丕顯丕承六合中恩膏廣舟車至盡來

王舟車至盡來王觀一統太平真有象

解叶車攻

詠時昌一朵紅雲六龍降簇千官驚序萬隊鴈行  
爭受擊鉦鋤丁東紛纍蔭旌旗搖漾鴻龐兆姓

天顏仰齊道是春臺上齊道是春臺上

二解

翳華芝排仙

仗擁貔貅萬騎驕驤煒煌從龍應列象紛纍環  
衛鈎陳隔御光紛纍環衛鈎陳隔御光

皇威朗夏諺祝吾王遊豫周官紀天子巡方

三解

王路砥

驟康莊除道清塵坦而蕩似觀河刻玉比蹤陶唐

敷教化

帝德郵傳奉琛贄臣心葵向鴻龐兆姓

天顏仰齊道是春臺上齊道是春臺上

四解

調玉燭乾坤

清朗幸遭逢時巡狩恩施浩蕩波翻翠瀨灝皛銀

塘壓黃雲葦蕩搖繡壤同歡慶豐年綏萬邦

五解屬

車相望屬車相望選勝徜徉靈風薦爽引鸞旗引

鸞旗轉龍旂飄揚擁者民歡心合掌天庥和暢稽

首頌九如章鞠脰晉萬年觴

六解乍洽

宸襟延

睿賞喜遙臨玉輅翠幌喜遙臨玉輅翠幌康衢畔擊壤

交廣唱

聖壽無疆億舜日矢橐弓報萬堯年鳳舞麟翔道敷天  
道哀時令典煌煌風行地筮省方懷柔柔時邁其  
邦省耕歛萬井蒙休養省耕歛萬井蒙休養猗歟  
慶熙朝奉

聖皇

七解

表裏山河鴻圖廣洵莫敢不來享脩華和鸞旌

旆央央化日高懸正舒長天可參地可兩天可參

地可兩

解八

合相輕漢武橫汾上示從禽憇舍往旃

以為轅蘭以為防飭司徒厲飾軍容壯不以火田

不獻面傷駕龍文騰空曠

解九

列斯青廬還開玉帳

秩山川同衡量沾錫賚咸勇暢旌霓旃虹

叶音絳

奉

皇歡休徵疊貺奉

皇歡休徵疊貺

解十

紫瑞氣天和釀到處是上林春滿望

花傍輦若含嚬含嚬傾珠囊洗塵鞅奏韶韻典太

常霏霧雨卷靄爐香真遍世界恩流德洋看雕題  
漆齒咸稽顙懸知紹

聖緒邁前王

十一

昇平宇宙年豐穰勤補助天工人亮選

聽嵩呼萬歲長

九五飛龍第二十二

九五飛龍慶時乘九五飛龍久萬里錦江山歸大

一統今

皇紹

皇緒克纘豐功望如雲望如雲就是日垂裳端拱寅亮天  
工寅亮天工盡梯航咸來朝貢解一萬象闡鴻濛起  
軼姬風殷頌修文偃武履

帝位明日達聰卑唐跨宋億萬年大寶金甌鞏紉縵

沆瀣霏微艷晶晶旭日昭融

解二

閱五載禮成巡狩

叶車攻閱五載禮成巡狩叶車攻練時日鹵簿盛

威儀威儀未央月曉度踈鐘徐張雉扇漫啟銅

龍紛雜沓千官前導鸞旗聳師師濟濟萬靈呼擁

奉

皇歡五色雲車動從于邁恩澤紀龐鴻從于邁恩澤紀

龐鴻

三解

時雍萬福聿來同侍臣弭筆從容句句禹

甸幾多甘雨和風

天顏有喜煥

宸章揮灑騰麟鳳若雲漢倬彼昭回墨寶千秋珍重

四解

或有時甘露珠垂或有時甘露珠垂或有時醴泉  
玉湧或有時澤出金車或有時山開山開得這銀

甕惟

至聖足有臨今足有容誠不顯而篤恭上雲峰鸞輅輕

移上雲峰鸞輅輕移凌日觀峰鶴載咏

五解

香爐傍

日溫屬車瑞雲湧看野栢黍禾如梁積祝無疆躋

堂幽人頌敷德化民風沕穆喜到處時和也更年

豐編氓遍沾膏雨聽歡呼自南自北自西東

六解

規

制度衡量同式震疊琛球貢率遐邇北暨恒山率

遐邇北暨恒山西至流沙南被交邕典禮咸修崇

華胥叶聲靈神悚信長此獻嘉符振麟儀鳳

七百解

職猗歟式序百祿亶其式總於繹哉永綏民於皇  
哉允執中時巡幸虎賁扈從從律奏聲諧八風從  
丕冒彼彼提封編氓遍沾膏雨樂饗殮自春自夏  
自秋冬八解重熙累洽如天永蕩蕩巍巍臻邳隆翠  
輦行來紫氣擁

聖德巍巍第二十三

聖德巍巍洽九天大啟文明會景福綿熙和民物更鮮

妍麗紫垣策星夜動驚旆發郊原一解河清海晏王  
道正平平思

文謨

武烈丕承丕顯締造巍然監於成憲其永無愆二解萬方賓

服仁風扇義問昭宣雕題鑿齒重譯來朝獻東風  
便黃支烏弋識時先更白狼元菟金馬朱鳶盡入

版輿遠三解聲教無邊亘九垓控八埏陟堯封過禹

甸撫殷土厯周原漸被暨訖仰清光北斗高懸四解

崆峒山色翠如烟訪道人非遠姑射有神仙飲風

吸露綽約嬋娟乘雲氣御青天有虞氏親巡徧

解五

薰風拂五絃養恬樂利到處桑麻鷄犬含哺鼓腹

風光堪羨吉蠲採風問俗排法駕清蹕稅桑田

解六

遊河五老踰躔紫極光連袖裏圖書一卷齊向丹

陵獻八駿踏雲烟飛雷掣電黃竹詩篇瑤池清宴

七稽古想前賢端垂玉冕屬車香裏曉發銜開宿

解

霧天霓旌卷蘭生殿佳氣滿平川

八

試嶽齊天七

十二君曾駐輦泰山梁父云亭肅然崇封禪金泥

印綠文玉檢留丹篆

九解

羽林周衛錦袍鮮萬騎驂

驪隱見黃雲馬足白日松顛葱蘢舊貝葉三花石芝

五色搖漾拂寒烟

十解

蚺旃彩仗五雲邊柳映旌門

在鎬承周宴鳴鸞幸代旌蓋橫汾中流簫鼓振樓

船

十一解

乘乾位在德之元八卦陳九疇衍皇極居

中建聖帝明王一遊一豫芳躅古今傳

十二解

昇平

無事歲三田臨之王制考之風雅冬狩秋獮先期

戒事虞人掌馮後道游前皮軒壁貫珠聯

十三  
解

訓

典昭然時巡是五年雲沙輦路草芊芊德音騰赤  
縣驪龍作馬日月為旗霜原玉作田盤營風軟鏡

歌一闕霓舞大羅仙

十四  
解

蹀躞游龍第二十四

蹀躞游龍亭童羽葆莅止青野翠郊看蕩漾朱旗  
金瑤五色瑞雲飄選吉日正麗景含韶好青春是  
朝廷有道好青春是朝廷有道颺輪電燭映星旄

洽

宸襟詩歌夢蕭雲標寶翰摘天蒸皇衢慶靄籠霄

一解恩

威闔澤敷八表百昌萬類咸荷鈞陶西被東漸聲

靈遠耀用觀民而設教元良頌凡有血氣者罔不

孚尊親戴甘露降榮光繞五雲中盡瞻天認赭袍

二解長路波迴今峯遠航海梯山匭包茅烏弋黃支

絕域齊來到荷

天恩涵大造婆娑起舞歡欣醉飽舌人重譯感天怙冒

一遊一豫民歡樂  
招音作徵與角音君臣賡歌仰

熙朝

三解

駉竹童扶鳩老萬年清晏  
匝恩膏回輦深

恩承細草

慶皇圖第二十五

慶

皇圖肇域燕都重熙累洽

聖化覃敷玉燭調金甌固巡方兮繼迹有虞

一解

聖人之生首出庶物握乾符應寶籙載歌天保何福不

除升恒今日月居諸

二解

宏九有八三無患蒸民膏

澤涵濡遷善不知衢歌巷舞嘉祥兮磅礴扶輿

三解

惟天之瑞慶雲甘露日有重光星有連珠惟地之

瑞澤馬山車醴泉兮噴若醍醐

四解

惟草與芝或紫

或朱惟鳳與麟或七或五金船銀甕遊于王所嵩

高兮萬歲長呼

五解

於皇樂胥撫茲疆宇思武之烈

思文之謨念彼車攻載于石鼓吉日兮申用三驅

六解

禮官整儀羽騎星敷有旗有旒有旄有旗為龜

為蛇為熊為虎振振兮匪疾匪徐

七解

習習和和

風甘雨稷翼翼與與屢惟豐年食我農夫農夫

兮瞻望乘輿

八解

翠華斯舉香惹御爐白雲出封青

雲千呂欖槍為闔明月為堵塵清兮環衛周廬

九解

惟春有補惟秋有助所其無逸以遊以豫圭璧金

錫思我

皇度皇皇乎一統車書

十解

相彼東山啟我土宇奄有四

海纘禹舊服

金史曰 卷一百七十一  
聖聖相承似萬清祐卜年兮無疆之祚

十一

鳳輦所經灤

灤湛露五行式序庶草蕃廡帳殿從容鼓吹和愉

虎拜兮箕疇歛福

十二

萬國瞻天第二十六

萬國瞻天慶歲稔時昌燦祥雲舜日麗中央  
翕河

喬嶽紀詩章附與執靶標星象胥藝極復陳常王

恩威克壯奉金根陟向奉金根陟向帝心昭格

皇仁廣和鈴憂擊和鸞響德化風行草上刑措兵銷績

熙工亮

解一春省秋省軫吾

皇軫吾

皇鈞陳肅穆出瑤閣叢花繚繞時和盛時和盛閃龍旗

潏潏揚揚閃龍旗潏潏揚揚羽林挾輟驟雲驪式

顯印玉琢金相

二村村繪出昇平象豐亨原野裕

倉箱一自龍輿降九閭談蕩仰龍光風淳俗美泉

水都廉讓都廉讓成功奏遐軌邁陶唐

三蒞春郊

鳥啼花笑稅桑田晨正農祥繁華觸處艷青陽省

耕助洵匪幾匪康

四解

序入朱明當盛長雨肥梅還

釀清陰麥風涼荷雲翔眷言萬彙咸敷暢艾荷香

帶御爐香御爐香

聖情悅豫堪延賞

五解

瞻秋原秋氣爽導鑾輿黃菊香初

放躋公堂稱兕觥金風玉露葉滑棠萬壽祝無疆

六解

乾亥風剛巽辰日朗禮垂冬狩排仙仗時納慶

歲迎祥時納慶歲迎祥沛殊恩沾浩蕩玉輅聽鏘

鏘酒醴笙簧飲堯樽歌舜壤

七解

以豫以遊引恬引

養黃童白叟欣瞻仰  
聲教訖被遐方  
亶馨香紛肸  
蠁八駿盡調良  
雲錦鋪張  
統車書同衡量  
統車書

同衡量

八解

宸遊

睿藻來天上  
覃閭澤恩波  
演漾喜起遶  
明良雖暗相  
協響

昊天命第二十七

昊天有成命受此丕基

武烈

文謨式穀是貽疊疊我

皇克績鴻規敷天衷對罄無不宜

解一欽若

昊天敷時繹思求民之莫夙夜其浴迄用康年維星協畢

與箕既富且穀迪彼秉彝聖敬日躋帝命式于九

圍

二解

憲憲令德抑抑令儀綱紀四方涵泳聖涯率

由前模惠澤勤施民之攸暨如取如攜如壘如麓

迪教不違

皇帝聖神天錫英姿聽聰視明法式生知并包蓄養解  
愠絃揮仁滂施厚元氣淋漓千秋萬歲復覲如與  
姬三解百姓昭明五典慎徽澣濯甄陶沁骨浹肌如  
彼田矣亦既敷舊如彼室矣亦塗暨茨

皇心統天品物咸資維嘉維時樂矣魚麗四解翩翩之鴻

言漸于達鵠鴈之驚言集于湄藹藹王多吉士赤

芾初初束修其躬慎乃樞機左右

天子盍簪勿疑五解隆然雙闕晏然三陸端拱明堂默運

璿璣禮陶樂淑俗易風移金儀測象玉律定時四  
野八荒洵不遐遺浚有籬隩有莪對時育物萬邦

是綏省方設教用致雍熙無封靡于爾邦惟日孜

孜六解咨我三公及爾庶司豈敢怠安無平不陂建

國親侯王者無私卜云習吉昆命元龜農事告成

秋以為期倬彼雲漢奎畢井甬揆文奮武營壘車

騎象緯昭回

聖人法之以補以助上繼姚姁億萬斯年壽考惟祺

法駕揚華旗六軍雷動萬馬星飛白山嶢嶢綠水  
泚泚騶虞至鳳凰儀于疆于理

皇心則怡

七解

渺渺川原坦然逶迤遺秉滯穗如京如坻

各峙乃稂以饗我師鳥獸充牣碩大蕃滋莫不震  
疊永藉保釐七騶既馭萬衆咸隨鉤鉤鼓鐸幡然  
旌麾逐獸追禽大戟長鉦為鐃為鐃載常載旗五  
律石鉞平于有司瞻彼翠華朱英粲粲星旗月鉞  
錦韞珠殲禮百神奠四維王用三驅勿競厥威我

求懿德永王保之

八解

張皇六師如虎如羆天休震

動周道馳驅策勲在廟莫不寅威戢干韜矢說禮

敦詩

天子是毗

九解

灼灼芙蓉花毵毵楊柳枝旌旒婀娜畫龍

與螭千盾騰拏逐豹與麋湛湛甘露酌以玉卮

陛下千萬歲撫御萬國歸銜羈

十解

王會有圖天葩芬奇

爰閭赤奕元繚碧基文蜃大蜺孔鳥臯鷄脩冠尊

耳露犬星施白鹿黃騏猷其貔皮在彼澤宮璧水

瀾瀾樹爾侯矣射熊與貍槐宸高聳棘路明燾鳴  
葭駐罕麗日和颺四牡駢駢以車伾伾飲至言歸

十一  
解

駢四鸞駕六螭彤雲分五老珠露浥三峽訪

姑射拜希夷執衡與規循理應資昭假遲遲恭已

無為

十二  
解

誕敷文德懷柔神祇天命靡謬念茲在

茲周原稼穡小民之依蠲租賜復王言如絲裁成  
輔相於鑠純禧首山之陽母采爾薇商山之顙母  
采爾芝三老五更惠和宣慈有馮有翼爾性爾彌

袒而割牲謙謙是撫示我周行瑟鼓笙吹

十三

鼉

鼉恒山幽冀之治絳雲紫霞岐岐嶷嶷青書綠笈  
神所護持包王孕帝駕軒鑠義元泉神草瑞勒豐  
碑爰命太常爰詔后夔式祀

上帝享以駢犧獻琮璧奏咸池奎聯壁合星斗陸離洞簫

玉管鳳羽麟差

十四

中澤有葵南山有楸豈弟君

子佩玉履璫遭逢明盛文煥功巍三墳五典煌煌

麗辭願續雅頌永鎮屢屨

十五

平西凱旋郊勞饒歌大樂章

二十五年定

帝效

天

天符

帝

天心所在

帝默契暘雨若風霆明呼吸感應通以誠龔天罰誅譎

詭

聖人之兵不得已武功成王道昌順我者存逆者亡

皇威所訖周遐荒億千萬載德莫量錫慶長功符兩大

垂榮光

右帝效天一章十六句

爍月竄震日淵掃準夷開屯田式擴自伊犁地大

物翕若大宛及娑夷勃律咸慕思弗諉曰中國有

聖人願隸塞垣遂及亥章之步罔畏之鄉莫不奉正朔

備我外藩

皇帝愷樂錫福垓埏俾各康爾性壽爾年

右燦月竈一章十七句

振王鈇天西極蠡爾回久拘繫爾之蠶禪之蠶出  
爾水火登衽席俾政爾田宅爾邑亭毒煦嫗沐我  
化澤鷹胡飽颺獠反噬構逆煽亂其曷可弗殛振  
王鈇威稜赫

右振王鈇一章十五句

庫車言言我兵既攻有狡而伺其來如風雨殲醜  
徒蜂矢蝟鏃擐厥狃燾賊頸股縮鄂根之河鯨鯢  
橫波賊情就斃圜牢自邁惟彼僨輶勿戒伏莽烏  
啼於幕魚漏於網

右攻庫車一章十六句

厥角稽乃自易將速進師所向龔伏弗梧弗枝勞  
面膜拜涕泗連沍曰惟我戎首突蹄張鵠哀我憊  
人肌瘡痍虺蜥之撼寧不自知斲不缺鏃不遺遂

直抵乎大荒之西

右厥角稽一章十四句

黑水之戰騎危眷懸軍深入為所搃蜂屯螳附聚  
矢石我馬雖憊人無敵立成壁壘奮戈戟賊來薄  
攻相距尺瞋目一呼盡辟易鉛丸著樹助我擊靈  
泉火米資炊汲重圍三月莫敢迫古來誰與比奇  
績萬賊之中兵四百

右黑水戰一章十二句

援兵來來自天矯躡景迅掣烟援兵來賊回顧奮  
螳當脹蛙怒援兵來堅轉戰人裹血馬流汗援兵  
來前軍回推虎穴蹴蟻堆援兵來若神助數月前  
奉詔赴

右援兵來一章二十句

阿克蘇河高旋軍暫以休蓄銳淬戈登選堅製兜  
鍔名駒千隊來霜蹄籊雲浮以布易彼粟筐筐為  
乾饑士飽馬亦騰氣已無諸酋

右阿克蘇一章十句

鹿斯奔威所鑠兵再入批亢卻扼吭弗噬犄角斯  
搏鯨鯢並窮駟蛩偕躍擣載輜重棄老弱走險假  
息神錯愕火燎毛風卷籜

右鹿斯奔一章十四句

回城降式歌舞王師入各安堵約法數章爾摩爾  
撫賦視賓布泉式園府噢咻爾民久墊若蕃爾畔  
牧釋爾刀斧昔穴巢今版宇煌煌

御碣昭萬古鴻荒以來此地獠狂雖去豈曾隸中土

右回城降一章十六句

伊西弭兩馬不得驅賊殲不盡此負隅自言一夫  
當關萬夫莫踰偏師薄之忽驚潰倒戈降百千輩  
賊酋顧之心胆碎獨跳而走惟其喙伊西洱功不  
刊誰與侔格登山

右伊西洱一章十四句

和門開軍容壯大荒西隅內向傳檄索伏隍諸羗

聞之弗敢藏地犴畫天網張驚絃既隕觸藩復以  
戕遣使詣獻屍已僵和門開旌旆揚滿營笳鼓歡  
聲長

右和門開一章十四句

黃河千年而一清

聖人千年而一生曠古之事衆所驚惟

天有斷斷乃成握神符貫元精二萬餘里雷霆行密勿  
指授六合清以寧

天斷成巍巍之功莫能名

右天斷成一章十四句

皇式有告觀于

列祖兢兢業業誕受

天緒綏此武功式廓是新守成勩業兼於

一人鑒彼下國立爾烝民凡有血氣者莫不尊親大孝

承命錫嘏以純

慈宮稱慶天地忻忻

右皇式一章十六句

辟離水流湯湯爛然五色昭文章豐碑告功峙宮  
墻鐘鏞鼗鼓同鏗鏜皎如日月中天光鴻庸鉅製  
相得彰包舉要義重闡揚崇論開惑示萬方羣蒙  
洞豁祛疑障願壽琬琰揭講堂觀摩雒誦垂無疆  
右辟離一章十一句

帝圖鞏鞏以大率土之族延頸面內登三咸五昌期會  
羣臣請上尊號

金史卷一百七十一  
皇帝讓弗許益持盈而保泰欽承

天命夙夜匪懈方論功行賞卹士卒問民疾苦無出明年  
租稅天之所覆恩皆沛於胥樂兮千萬歲

右帝圖輦一章十二句

平西凱旋郊勞凱歌樂章

睿謨獨運武功成天柱西頭奏永清候月占風傳自昔

試聽今日凱歌聲

其一

往歲伊犁振旅回名王尺組

就俘來天西月竊咸星拱戎索遙戎昧谷開

其二 狼

猥相兼弟與昆甯庭久繫兩花門九天忽遇王師

下破械先施再造恩

其三

賜歸舊部寵榮多俾撫殘

戎釋網羅但使初連山作礪不教蒲類海揚波

其四

何期鷹眼終違化翻肆鴟音踰逆塵朔草並霑天

上露黃沙偏負塞垣春

其五

恢恢天網本來寬稔惡

誅鋤務欲殫宵旰從容宏

廟畧偏師重進取兇殘

其六

梯衝烈烈庫車垣逋寇倉皇

竟欲奔那識降人曾獻款亡巢倣倖漏遊魂

其七

虎

符伸命下丹霄壁壘旌旗煥一朝頓覺三門新氣

象元戎更拜霍嫖姚

其八

一軍早定沙雅爾百堵旋

收阿克蘇萬早風馳還電掃大兵直壓賊城孤

其九

蟻結蜂屯三閩月熊蹲虎踞一當千如山軍勢原

難撼醜類空教倒戟旋

其十

橐囊不待衆糧行早喜

因糧在敵城奇應何須驚雨粟地留火米待神兵

其十一

一 天漿那挹斗杓盈陸海茫茫疎勒城忽報靈

泉隨井渫滿營歌舞拜王明

其十二

鼯鼠從知技已

窮著林飛礮響隨風鉛丸拾得還殲寇翻為

天朝助火攻

其十三

天既飛騰萬騎來追風已過拂雲堆

更蕃士卒符神算恰作奇兵援壘回

其十四

六城唇

齒振和闐一夕降旗因壘傳五里何妨迷涿野轉

乘霜霧靖狼烟

其十五

羣番秉令盡從風聯步扶携

厥角同重譯獻來回字表喜為臣僕象胥通

其十六

繡旗乍捲銳師分戈壁風沙結暮雲半夜賊營齊

破胆驚從天上下將軍

其十七

腹背交攻攻並力爪

牙盡挫挫安逃天風吹蕩虵蜉陣伏穴潛藏似犴

牢

其十八

葉爾奇木門洞達哈什哈爾城崔嵬此間

風景古未識祇令惟有天兵來

其十九

纏頭夾道拜

旌旗涸澤揚沙久赫曦最是神奇迴造化雨師今

亦近王師

其二十

久傳婦子望雲霓今聽歡呼應鼓

鞞跪捧雕盤爭獻菓葡萄葡萄酒比難齊

其二十一

殊方

何幸戴堯天從此坤城列市廛薄賦但教供苜蓿

同文先為易金錢

其二十二

勁師分道襲刀環轉戰經

時草木殷入夜窮追聲影絕山頭明月一弓彎

其二

十萬衆爭先雷氣消呼聲天半落盤鵬至今人過

伊西洱猶覺轟霆撼碧霄

其二

十四舊聞天宇原知向

今讐神鋒不可撓一一顛顛盡泥首夜來刁斗靜

無聲

其二

十五陣合將軍飛羽箭戰酣勇士掣琯戈降

戎奉檄皆鷹犬兔走山前得脫麼

其二

十六殘生暫保

齊那爾校窟難尋罕布孩白鵲旗高圍逆首都九

親奉凱書來

其二

十七蟣胝蜣肱自不支親離衆叛欲

何之輕刀斫陣踪輕騎又報分張貳負尸

其二十八

奏

捷星馳絕域書御園雲物小陽初葭灰未動春先

到應瑞花爭四照舒

其二十九

送喜璇閨晝正長共

邀

慈福樂時康武成敬頌無疆壽錫類同瞻日月光

其三十

山

川競說方輿記風土爭傳王會圖此日西維逾二

萬崑崙猶自在東隅

其三十一

默伽樂國舊曾誇豈謂

還成井底蛙自此天方增喜色真教土宇屬天家

其三  
十二 旭日瞳矐元象開八紘七政在璇臺嚕斯納

默知欽若同向藁階奉朔方

其三  
十三

萬古冰山雪巘

間盡教職貢附朝班落梅何處春風笛一路筠冲

接玉關

其三  
十四

獻馘膏功紀泮林

天章更勒遠山岑祇看雲漢昭中外字字唐虞二典心

其三  
十五 功成始仰

廟謨神測海捫盤見未真崇論昭宣龔昧覺共欽至理

析天人

其三  
十六

泰壇琮璧陳天貺

清廟圭璋告大猷盛典輝煌羣祝嘏

皇心肅穆自凝庥

其三十

日麗風暄敞鳳樓九霄丹詔瑞

雲浮敷天湛露恩施溥奏凱聲中愷澤流

其三十八

烈都從

睿斷成登三咸五總難名只今尺箠收天外歲籥纔看

第五更

其三十九

舞羽橐弓偃六師策勛飲至拜丹墀

小臣願譜鳴笳曲珥筆慙無朱鷺詞

其四十

御製平定兩金川凱歌

乾隆四十一年定

廿四中秋夜丑時木蘭營裏遞紅旗本來不寐問軍

報孰謂今宵宛見之

其一

七千里外路迢遙向十餘朝

茲八朝可識衆心同一志嘉哉行賞自宜昭

其二

賊巢

最是勒烏圍甲襍小連噶喇依破竹勢成應不日速

傳捷信願無違

其三

行營半夜那來喧却是紅旗到敕

門五載勤勞同上下鴻勲集總沐

天恩

其四

紅燈一點引紅旗頃刻行營人盡知舊部新藩同

賀喜古來報捷可如斯

其五

成言原有付兒行一見紅

旗即奏將雖是

慈心早知喜更馳侍衛報山莊

其六

破賊巢飛騎馳未遑

詳悉盡陳之將軍宣力應優賜先示端倪加勉宜

其七

前次受降惟戢斧令番報捷乃犁庭敬承

天眷能無慰未至武成心未寧

其八

宵衣惟吾理合然喜而

不寐那能眠乃知履齒事誠有較彼殊猶高下懸

其九

三捷盼來一月間此時軍務正相關執渠掃穴歌者  
定佇待郊臺奏凱還其十甲午桃花寺蹕停軍書正此  
俯窻櫺幸哉今日仍憑處綠柳中飛一點星其十一勒  
圖報捷夜行營重值上

陵晝返程一刻萬人齊色喜光明日月永銷兵其十二三穴

猶延一月餘六軍奮勇豈饒渠周遭火器熾攻處早

爛區區釜底魚其十三旬餘棧驛八朝至一片旗紅萬

馬飛來路羣番喜且懼國之慶也國之威其十四險惡

山川靖梟獍邪深機阱絕根株從今番部都安堵強

食奸欺自此無

其十五

蠶叢絕險隱妖氛百戰功成古

未聞鑿鼓冬冬聲凱獻羗兒稽首送將軍

其十六

堅礪

林立萬重山破險衝鋒歷盡艱秦績都資軍將力紅

旗一道入桃關

其十七

姜維征處號維州艷羨戎人謠

語留今日勒圍為內地無憂城果是無憂

其十八

盼捷經冬復

入春垂成偏覺意塵頻今宵料得方安枕明告慎哉用

武人

其十九

流離此日穴巢傾耆定從茲可罷兵

歌凱莫教容易聽五年功幸一朝成

其二

郊臺仍是

此郊臺何幸重修盛事來漫謂數年經契濶精神

注似日相陪

其二

十一勲臣率拜列靈旗軍士鳴螺赫武

儀樂奏饒歌行抱見詰戎

家法萬年垂

其二

己巳班師本受降庚辰郊勞典鴻厖

放牛歸馬予素志凱獻何期此見雙

其二

十三準部回城定

五年金川小寇亦如前嘉予將士久敵愾不覺對之

增惻焉

其二

十四地險加之衆志堅林碣步步戰而前小

於昔事難過倍慰意恒因意惘然

其二十五

鑿穴而居避

火器終於面縛出蕃城貪生螻蟻固如此聚族將焚

語豈誠

其二十六

條經于役五春秋棧道崎嶇似坦郵夾

路花紅復柳綠阿誰致悔覓封侯

其二十七

脫却戎衣換

吉衣龍章示獎特恩稀同心戮力還擒最便解天閑賜

六飛

其二十八

兵洗金川永不波潢池跋扈竟如何良鄉近遠

多愁庶歡喜都來聽凱歌

其二十九

凱歌亦豈易為聞五

歲辛勤勞衆軍我實未曾安五夜幾多憂慮與平

分其三十

平定兩金川凱旋郊勞饒歌

聖畧宣

皇威鬯風行電激物震盪物震盪聲靈馳靡堅不破高  
不摧曩西域版圖廓二萬餘里我疆索兩金川敢  
抗干自作不靖適自殘五載底績除克頑春風吹  
鏡入桃闕奏凱還虎臣罷士皆歡顏

右

皇威壘一章十六句

索諾木僧格桑軀生羆狽附狼始蠻觸相尋奚事  
斧斨越數歲益蠶食鄰境遂各罹其殃矧聞維州  
之謠禍心包藏浸假約束是偕

恩德是忘勢在不得已而我戎行師出以慎動罔勿臧  
用乃聲厥罪懲厥狂

右慎行師一章十七句

赫斯怒雨軍指巴朗拉從風靡取達園克資哩西

路角之南路犄約咱既得卡了救草布什咱復其  
疆里險如達烏安足恃鉦擊析應俾狂魄震褫夾  
擊威洊雷駛

右犄角攻一章十五句

小金之屏曰僧格宗猱攀不度堅礪如叢我軍先  
登摧枯振箴采入其阻直抵美諾布朗底木追圍  
窮林厥子啄走厥父就擒汗牛板昭傳檄帖伏儼  
拉悉平軍聲赫濯

右僭拉平一章十六句

促浸苗為逋逃數罪惡尤鞠旅移指討厥比周徑  
阻雪積我軍遲留彼潛伺微覷逞其狡謀降番應  
之紛相投屹然南路整衆還輟新壁壘厲鉞矛遂  
進次乎日隴之陬

右討促浸一章十四句

簡我禁旅勇且健七千其衆一敵萬統以將軍旗  
鼓建定西印授西路進南路是副聲並震獎率趨

材馳敢戰寧旗摩壘士氣奮履險如夷兵不頓有  
若熊虎懾鼯鼯懾儼拉全境薙株蔓曾不旬日收復  
徧號號如霆一何迅

右迅霆復一章十二句

八旗兵來如風西路入谷噶通南之隘克馬尼

去聲

拉窠卡大如礪礪三路心力齊一阻險功在西喇  
穆山日則口據默格斷其後八旗兵勇可賈綠營  
衆悉鼓舞

右八旗勇一章二十句

我軍馳先聲醜徒志以離竄渠伏冥誅械獻貳負  
尸七圖及蒙固縛之如連雞系弩側累來檻致於  
京師咄哉窮猿僵禍速焚林貽

右窮猿僵一章十句

北路險曰宜喜賊死守限尺咫絨布移兵循塗西  
指綽斯請留願効驅使出奇制勝賊披靡冒雨揚  
兵兵為洗扼山梁築吾壘

右扼宜喜一章十二句

乘勝攻賊拒遏堅碣矗重壕掘康薩爾山徑險且  
率鹿角如麻憑阻轆轤我軍薄之若排闥曷深曷  
巍一躍而越踞厥巔蹂厥穴木思工噶取如拔臨  
高壓之下視巉巖蒙茸氣吞力隨拔

右越重壕一章十六句

河之西穢棘不可窮元戎決勝合力攻倂賊顛不  
得顧趾不得容日旁以右羅寨柵棄而逃羸豕蹢

火其崖垠照燐赫五十里間地為赤賊潛喘餘燼  
灰飛將軍從天來

右河之西一章十四句

夾河陳軍相望風雲通氣益壯噶爾丹既攻建奴  
注之扼彼衝清後路勝冀雄狙伏為患惟遜克爾  
宗梯牆斫穴如抉叢後路清賊勢窮世臣繼勇勲  
名崇

右後路清一章十四句

昆色爾高騎脊危拉枯下瞰烈焰飛苗則大海鞭  
一揮奇謀百出克勒圍八月中夜半時月光鏡膽  
寒妖魑狡有三窟一窟固已摧磨盾木木蘭八日  
來紅旗

右一窟摧一章十一句

西里既剗卡角斯折彼頑不靈螳斧當輟索隆科  
布屢摧其堅安布魯木迅掃其孱舍齊暮擣雍中  
朝寥盡撤藩以入巢幕爰焉賊境日威百繞一存

釜底羣聚遊魂曷延

右釜底魂一章十六句

賊負固噉喇依困獸猶鬪四面圍批其腹心外不  
支甲離獨松潰河西馬邦拾芥彼自隳陸置水罟  
會我師環以巨礮焦灼期計窮乞命俘渠魁罪人  
斯得逮旄倪穴蟻迅掃無留遺定以百戰誠若斯  
右穴蟻掃一章十二句

武功歲

珠邱告禮成

駐蹕露布適報策勲懋賞下

明詔遂奉

慈輦東狩還舉

郊勞儀獻累俘於

社


廟崇善歸美尊上

徽號

親製紀功碣勒太學第功臣次宴紫光圖其貌走師設  
鎮洽聲教億千萬禩安笮徽

右

武功成一章十六句



皇朝文獻通考卷一百七十一